

VEDTEKTER
FOR
GULEN OG MASFJORDEN UTVIKLING AS

Vedteken i ordinær generalforsamling den 9. juni 2016, revidert i generalforsamling
30.mai 2018.

§ 1

Selskapet sitt namn skal være Gulen og Masfjorden Utvikling AS.

§2

Selskapet sitt forretningskontor er Dalsøyra, Gulen kommune.

§3

Selskapet sin aksjekapital er kr. 5.156.250,- fordelt på 20 625 aksjar à kr. 250,- og lydande på namn.

§4

Selskapet sitt føremål er å tilretteleggje tilhøva for auka næringsverksemd i kommunane Gulen og Masfjorden, og skal ved å vere ein aktiv pådrivar og koordinator for private aktørar medvirke til etablering av lønsame arbeidsplassar i distriktet. Selskapet skal vidare vere ein koordinator for offentlege midlar til næringsarbeid og vere ein pådrivar for at næringslivet får ei god kunnskaps- og teknologisk utvikling. Selskapet kan drive kjøp/sal og ha anna verksemd i samband med dette. Selskapet kan delta i andre selskap med liknande verksemd. Selskapet skal ha eit nært samarbeid med Gulen/Masfjorden Næringsråd.

§5

Selskapet skal ha eit styre med frå 3-9 personar, tillegg kan det velgjast frå 1 til 3 varamedlemmer. Styremedlemmane blir valt for 2 år, men slik at kun halvparten av medlemmane er på val kvart år. Minst 50% av styremedlemmene skal veljast frå næringslivet i Gulen og Masfjorden kommunar. Generalforsamlinga vel styreleiar og nestleiar. Styret vert forplikta av styrets leiar og nestleiar i fellesskap. Styret kan meddela prokura. Styret tilset dagleg leiar.

Selskapet skal ha ei valnemnd som skal gje tilråding i samband med val av styremedlemmar. Valnemnda skal bestå av tre eller fleire medlemmar som vert valde av generalforsamlinga med ei tenestetid på to år. Generalforsamlinga vel leiar i valnemnda. Generalforsamlinga vedtek instruks for valnemnda.

§6

Erverv av aksjar kan berre skje ved godkjenning av styret. Ved overdraging av aksjar har eldre aksjonærer forkjøpsrett. Melding om overdragelse eller ynskje om aksjeoverdragelse skal sendast til styret i rekommandert brev, og styret skal straks varsle dei aksjonærane som har forkjøpsrett om kva aksjar som er for sal.

Dei aksjonærane som har forkjøpsrett må innan 6 veker gjere forkjøpsretten gjeldande. Forkjøpsretten vert gjort gjeldande til den verkelege verdien av aksjane. Tvist om verdifastsettinga vert avgjort ved rettsleg skjøn som må vere fremjast innan 7 veker rekna frå postlegginga av det rekommanderte brevet nemnd ovanfor. Oppgjeret for aksjane må skje innan 8 veker rekna frå den dato det ovannemnde rekommanderte brevet er postlagt eller innan 2 veker etter at skjønnet er rettskraftig.

Dersom fleire aksjonærer ynskjer å gjere forkjøpsrett gjeldande, vert aksjane delte i høve til eksisterande eigartilhøre til aksjane i selskapet. Oddeaksjer vert delte ved loddtrekning.

§7

Innkalling til den ordinære generalforsamlinga skal liggje føre seinast 14 dagar før generalforsamlinga.

§8

Generalforsamlinga skal haldast i Gulen eller Masfjorden kommune jfr. Aksjelova § 5-9.

§9

Den ordinære generalforsamlinga skal handsame

- a) fastsetting av resultatrekneskap og balanse
- b) korleis overskot skal nyttast eller dekning av underskot skal skje i samsvar med den fastsatte balansen. Generalforsamlinga skal også avgjere om og i kva storleik det skal utdelast utbytte til aksjonærane.
- c) val av styre og revisor og fastsetjing av godtgjersle til styret og revisor.
- d) andre saker som er viktige for selskapet og saker som ellers etter lov eller vedtekter høyrer innunder generalforsamlinga.